

Исломда инсонлар билан мулоқотда тинчлик биринчи ўринда



16:30 / 16.03.2021 1383

Миср Араб Республикаси **Бош имоми**, «**Ал-Азхар**» диний мажмуаси раҳбари, **шайх Аҳмад** Муҳаммад Тоййиб шанба куни бўлиб ўтган Дин ишлари Олий Кенгашининг 31-Халқаро конференциясида сўзлаган нутқида: «Ислом динида инсонлар билан мулоқотда тинчлик асосий ўринда туради», дея таъкидлаб ўтган.

English.ahram.org.eg/NewsContent манбасининг хабарига кўра, 13-14 март кунлари Қоҳира мезбонлик қиладиган конференция давомида Ал-Азхар шайхининг ўринбосари Муҳаммад Ал-Довайний Ал-Тоййибнинг фикрларини «Динлар ва маданиятлараро мулоқот», дея номлади.

Миср Дин ишлари вазири Муҳаммад Мухтор ва Муфти Шавқий Алламлар ҳам ушбу конференцияда иштирок этишди.

Муҳаммад Тоййиб сўзларига кўра, икки инсон ўртасидаги мулоқот тиллар ва ирқларнинг мувофиқлигига кўра амалга ошади. Бундан ташқари мулоқотнинг кўнгилдагидек кечиши, мавзу юзасидан икки инсон фикрларининг мос келишидир, деган мулоҳазаларни ҳам билдириб ўтди.

Ал-Довайний шайхнинг фикрларини қўллаб-қувватлаб, «Инсонларни Аллоҳ йўлига даъват этиш оқиллик билан, мукамал йўл-йўриқ асосида ҳамда қалбга озор етказмайдиган сўзлар орқали амалга оширилиши керак», дея

Ўз фикрини билдирган.

«Ислом динга даъват йўлида ҳар қандай қуролли зўравонлик ва таҳдидларни ҳамда инсонларнинг моддияти ва соғлигини мажбуран сафарбар этилишини қатъий инкор этади. Қуръонда «Динда мажбурлаш йўқдир», дейди Ал-Тоййиб.

Улуф имом Қуръонда тинчлик ва шу маънодаги сўзлар 140 ўринда, уруш ва шу маънодаги сўзлар эса атиги 6 ўринда келганини изоҳлаб берди.

Муҳаммад Тоййиб Ислом дини дунёдаги ҳар қандай жабҳада тинчликка асосланиб иш юритишини яна бир бор таъкидлаб ўтди.

«Агар қаердадир дин қон тўкиш ва тажовузкорликни оқлаши ҳақида эшитиб қолсангиз, билингки, бу каззобларнинг сўзи», деб қўшимча қилди шайх.

Таржимон: Зуҳра Зокирова